

**FEDERACIJA BOSNE I HERCEGOVINE  
ZAVOD ZA JAVNO ZDRAVSTVO FBiH**

**Obr.br. 31 - Z - ŽO**

**UPUTSTVO ZA POPUNJAVANJE I DOSTAVLJANJE IZVJEŠTAJA O  
BOLESTIMA I STANJIMA UTVRĐENIM U SLUŽBI ZAŠTITE  
REPRODUKTIVNOG ZDRAVLJA ŽENA**

Sarajevo, 2018. godine

## Opće napomene

Zdravstvene ustanove i nosioci privatne prakse, kao i druga pravna i fizička lica koja u okviru svoje djelatnosti obavljaju poslove iz oblasti zdravstva, dužni su voditi evidencije u skladu sa Zakonom o evidencijama iz oblasti zdravstva („Službene novine FBiH“, br. 37/12), Pravilnikom o načinu i rokovima dostavljanja i obliku i formi zbirnih izvještajnih obrazaca (Službene novine Federacije BiH broj 61/18), kao i Zakonom o zdravstvenoj zaštiti („Službene novine FBiH“, br. 46/10 i 75/13).

Zdravstvene ustanove i nosioci privatne prakse su dužni voditi evidencije u pisanoj i elektronskoj formi i u propisanim rokovima dostavljati individualne, zbirne i periodične izvještaje nadležnom zavodu za javno zdravstvo, kao i drugim institucijama na način propisan Programom i Planom provođenja statističkih istraživanja od interesa za Federaciju Bosne i Hercegovine.

## Dokumentacija

Za vođenje propisanih evidencija koje služe kao izvor podataka za sastavljanje zbirnih periodičnih i individualnih izvještaja utvrđenih Programom i Planom statističkih istraživanja iz oblasti zdravstva u skladu sa **Pravilnikom o obliku i sadržaju osnovne medicinske dokumentacije** (Službene novine Federacije BiH broj 61/18) služba ima sljedeću medicinsku dokumentaciju (sredstva evidencije):

- Zdravstveni karton žene
- Protokol bolesnika

Za sastavljanje ovog izvještaja koriste se obrasci dnevne i tekuće evidencije koji služe kao veza između osnovne medicinske dokumentacije i izvještaja. Služba ima sljedeći obrazac tekuće evidencije:

- Tekuća evidencija o oboljenjima, stanjima i povredama utvrđenim u službi za zdravstvenu zaštitu žena

## Tabela 1. Izvještaj o bolestima i stanjima u službi zaštite reproduktivnog zdravlja žena

Ovaj obrazac vodi se za svaku dobnu skupinu (15-24, 25-34, 35-44, 45-49, 50+) u svim ordinacijama doktora medicine u djelatnosti zaštite reproduktivnog zdravlja žena, a popunjava se svakog radnog dana po završetku radnog vremena. U pretkoloni obrasca odštampana je morbiditetna lista sa šiframa oboljenja prema važećoj reviziji MKB.

Podaci za popunjavanje ovog obrasca dobiju se iz zdravstvenog kartona za žene koje su toga dana posjetile ordinaciju doktora medicine. Izdvoje se kartoni u kojima je upisana «konačna dijagnoza» i šifra oboljenja, prema važećoj MKB, a zatim se podaci prema šiframa oboljenja unose u odgovarajuće polje tabele ovog obrasca.

Da bi se izbjegla greška u smislu unošenja dva i više puta iste dijagnoze u obrazac, potrebno je da zdravstveni radnik koji unosi ove podatke, signira (označi) olovkom u boji u kartonu svaku dijagnozu koju je unio u obrazac tekuće evidencije. Upute za šifriranje konačnih dijagnoze odštampane su na kraju X MKB.

### **Dostavljanje izvještaja**

Svaka zdravstvena ustanova popunjava Izvještaj u dva primjerka, od kojih jedan primjerak dostavlja nadležnom zavodu za javno zdravstvo kantona, a drugi primjerak zadržava za potrebe ustanove.

Izvještaj se dostavlja sa navedenim datumom dostavljanja, potpisan od strane odgovornog lica za sastavljanje i dostavljanje izvještaja, te sa potpisom rukovodioca ustanove ovjeren pečatom.

Izvještaj se dostavlja jednom kao godišnji izvještaj.

Zavod za javno zdravstvo kantona vrši kontrolu obuhvata i kompletnosti podataka u izvještajima, sastavlja godišnji izvještaj za nivo kantona i dostavlja Zavodu za javno zdravstvo Federacije Bosne i Hercegovine. Rok za dostavljanje godišnjeg izvještaja je **do 31.03. za prethodnu godinu.**